


# Sekolah Penulisan Tesis 2.0

**Wan Zumusni Wan Mustapha (Dr.)**

Akademi Pengajian Bahasa, UiTM Kampus Seremban



Poster program

“SEKOLAH PENULISAN TESIS 2.0 (SPT 2.0)” telah pun melabuhkan tirainya. Kelas Penulisan Tesis yang bermula secara Virtual Summit melalui penganjuran program Sekolah Penulisan Tesis 1.0 pada tahun 2021 adalah diasaskan oleh Pengetua VSSPT, Dr Tiny Azleen Yahya.

Program SPT 2.0 kali ini telah mengumpulkan 30 orang pakar dari universiti di dalam, dan luar negara bagi membincangkan 31 topik kuliah yang dapat membantu bakal pelajar dan pelajar pascasiswazah (Masters dan PhD). Terdapat seramai 300 orang peserta yang juga merupakan pelajar yang sedang menyiapkan Projek Tahun Akhir dari pelbagai universiti. Terdapat juga penyertaan peserta dari luar negara antaranya dari Singapura, Brunei, United Kingdom dan Indonesia.

Kuliah yang dijalankan secara rakaman video dapat diakses pada bila-bila masa dan boleh diulang tonton sementara SPT 2.0 masih dibuka.

Antara topik menarik di bawah Kategori “Kemahiran Motivasi Belajar” ialah Tesis Akademik ke Terbitan Umum yang disampaikan oleh Tuan Zamri Mohamad dari Gerakan Penulis Malaysia, MyMove.

Selain motivasi, kuliah juga turut disampaikan di bawah kategori ‘Teknikal’ dan ‘Sokongan’. Kuliah ini telah dijalankan selama sebulan boleh diakses selama satu tahun.

Di samping itu, Dr Wan Zumusni dari Akademi Pengajian Bahasa, Universiti Teknologi MARA Kampus Seremban telah dijemput untuk berkongsi mengenai strategi dalam memecahkan kebuntuan “writers’ block” di dalam penulisan.

Selain menyediakan peta, kompas dan penunjuk arah untuk melalui pendakian Master / PhD dengan lebih mudah, antara yang menarik ialah penampilan penyampai kuliah yang memberikan giveaway dan memberikan peluang untuk para pelajar bertanya sebarang soalan kepada ahli panel. Contohnya, kuliah Professor Madya Dr Ismi Arif Ismail (Universiti Putra Malaysia) tentang ‘PhD - Tiket untuk terbang tinggi’, Datin Dr Romaizah Abd Kadir ‘Membina Rangkaian Positif’ dan Ts. Dr Shuhairy Norhisham ‘Komunikasi Mesra Supervisor’.

Platform yang digunakan ialah aplikasi Facebook dan hanya dapat diakses oleh pelajar yang telah membayar yuran masuk kuliah SPT 2.0. Kuliah-kuliah tertutup ini boleh diakses di <https://www.facebook.com/groups/sekolahpenulisantesis/>